



REGIONE AUTÒNOMA DE SARDIGNA
REGIONE AUTONOMA DELLA SARDEGNA



Provintzia
de Aristanis



UFÌTZIU DE SA LIMBA E
DE SA CULTURA SARDA
PROVINTZIA DE ARISTANIS



ORIENTARE

Progetto “Su sardu: limba bia” servizio di gestione dello sportello linguistico unico per area

Avviso -“TuLiS” Tutela lingue Sarde per l'utilizzo dei fondi di cui alla L. 482/1999, artt. 9 e 15, LR 22/2018 e L.R. 6/2012, art. 2, comma 13

AVISU PÙBLICU

PRO PARTETZIPARE A IS CURSOS DE FORMATZIONE LINGUISTICA ORGANIZADOS IN S'ÀMBITU DE SU PROGETU DE
SERVÌTZIU DE GESTIONE DE S'ISPORTELLU ÒNICU PRO ÀREA CHI SI TZÈRRAT “SU SARDU: LIMBA BIA”

PREMISSA

- Cun su progetu “Su Sardu: Limba bia”, finantziadu cunforma a sa L. 482/99, artt. 9 e 15 "Normas in matèria de amparu de is minorias linguísticas istòricas"; L.R. 22/2018 "Disciplina de sa política linguística regionale, art. 10, c. 5; annualidade 2023, sa Provintzia de Aristanis bolet dare cumprimentu a is interventos pro sa promotzione e valorizzazione de sa limba e cultura sarda giai inghitzados in is annualidades passadas cun:
- s'istitutzione de un'isportellu linguisticu chi faghet a riferimentu pro consulèntzias e interpretariadu de sa limba sarda;
- sa cuncordadura de duos cursos de limba sarda;
- su cumprimentu de progetos culturales pro is iscolas de su territòriu.

Su progetu “Su Sardu: Limba bia ”, si ponet sa punna de:

- promòvere s'usu orale e iscritu de sa limba sarda a intro de s'amministratzione e in is raportos cun is tzitadinos;
- sensibilizare sa tzitadinàntzia fache a su tema de s'identidade e de s'importu de s'amparu de sa limba e de sa cultura sarda;
- agiudare e sensibilizare is generatziones noas pro torrare a sa limba sarda;
- recuperare e valorizare su patrimoniu istòricu, linguisticu e culturale de sa Provintzia de Aristanis.

ART. 1 - OGETU DE S'AVISU

Custu avisu iscerat finalidade, destinatàrios e maneras pro intrare a is cursos de formatzione linguística cuncordados in àmbitu de su progetu “Su Sardu: Limba bia ”.

Totu sa protzedura de regorta de is adesiones, seberu de is candidaduras e cuncordadura de is cursos est in gestione de sa sotziedade Orientare srl cun sede in sa Bia de San Tommaso D'Aquino, 18 – Casteddu agiudicatària de su servìtziu de gestione de is fainas pro s'annualidade 2023.

Art. 2 – Cuncordadura e Destinatàrios

Si ponet in contu de fàghere n. 2 cursos intermèdios de limba sarda de sa durada de 30 oras onniunu pro achirire e fàghere prus bellas is cumpetèntzias in s'usu orale e iscritu de sa limba sarda in sa variedade campidanese, su primu deretu in antis a totu a su personale dipendente de sa Provintzia e abertu a is tzitadinos interessados, su segundu pro is categorias de operadores: operadores de politzia giuditziària, abogados, personale de s'iscola, operadores sanitàrios e operadores de su cummèrtziu.

Su programma at a tocàre custos argumentos:

- Cursu intermèdiu

Resumu de is notziones de base. Su cursu at a pertocare de prus a s'istruccura de sa limba, sa sintassi sua e is frases idiomaticas, sotziolinguísticas, poesia popolare. Tradutziones semper prus cumplessas, dae s'italianu a su sardu, ant a èssere un'allenamentu linguisticu chi non faghet a nde faghet de mancu pro èssere meres de sa limba sarda lassende a tesu influèntzias de s'italianu. A coa s'ant a tocàre temas ispecificos cunforma a sa tipologia de operadores chi pigant parte (linguística giuditziària, comunicatzione, meighina narrativa).

Is cursos formativos sunt a indonu e pro non prus de 40 dischentes.

Is cursos ddos at a fàghere unu maistru espertu de madrelingua sarda in possa de diploma de làurea (DL) e de esperièntzia professionale documentada fata in limba sarda.

A s'acabbu de ònnia camminu formativu, is cursistas ant a dèpere fàghere un'esàmene de acabbu e ant a retzire un'atestadu de frequèntzia, cun s'inditu de su livellu e su nùmeru de oras fatas. Pro s'esàmene de acabbu e pro otènnere s'atestadu tocat a àere frequèntadu a su mancu su 70% de is letziones postas in contu in su cursu.



REGIONE AUTÒNOMA DE SARDIGNA
REGIONE AUTONOMA DELLA SARDEGNA



Provintzia
de Aristanis



UFFIZIU DE SA LIMBA E
DE SA CULTURA SARDA
PROVINTZIA DE ARISTANIS



ORIENTARE

Progetto “Su sardu: limba bia” servizio di gestione dello sportello linguistico unico per area

Avviso -“TuLiS” Tutela lingue Sarde per l'utilizzo dei fondi di cui alla L. 482/1999, artt. 9 e 15, LR 22/2018 e L.R. 6/2012, art. 2, comma 13

Pro intrare a su cursu avantzadu, is cursistas ant a àere frequentadu a su mancu su 70% de is lezioni postadas in contu in su cursu base e ant a àere passadu s'esàmene de acabbu de su cursu base cun resurtadu positivu.
Is cursos s'ant a fàghere in presèntzia in sa sede de sa Provintzia de Aristanis e s'ant a fàghere su martis e sa giòbia a meigama.

ART. 3 - MODALIDADE DE CANDIDADURA E TÈRMINES DE ISCADÈNTZIA

Is dimandas de iscrizione ant a dèpere èssere indirizadas a sa Provintzia de Aristanis, impreende feti sa modulistica aunida, a s'indirizu de posta eletrònica lsoristano@gmail.com e ponende a ogetu “Iscrizione cursos de limba sarda”.

Sa dimanda de iscrizione ant a dèpere arribare intro e sena de sartare sa die 9/05/2024 e at a dèpere èssere intregada paris cun sa carta de identidade bàlida de su chi firmat;

Is dimandas de suetos minorenes ddas at a intregare/firmare unu genitore o tutore legale.

Is dimandas s'ant a atzetare cunforma a s'òrdini de arribu e finas a non prus de 40 postos a disponimentu.

Is dimandas intregadas sartadu su tèrmine remonadu subra o intregadas a manera diferente de su chi at postu in contu custu avisu, non s'ant a carculare.

ART. 4 - INFORMATIVA A PITZUS DE SU MANÌGIU DE IS DATOS PERSONALES

Is datos regortos s'ant a manigiare, cunforma a su d.lgs. 30 de làmpadas de su 2003, n. 196 e de su Regulamentu UE n. 2016/679, cun disponimentos a tutela de persones e de àteros suetos cunforma a su manìgiu de is datos personales, feti in s'àmbitu de su protzedimentu reguladu dae custa litera de invitu. In mesu a totu, cunforma a is artt. 13 e 14 de su Regulamentu Europeu n. 2016/679, si donant custos informos chi pertocant su manìgiu de is datos personales: Titolare de su manìgiu: Provintzia de Aristanis – bia de Carboni - C.F. 80004010957– PEC: provincia.oristano@cert.legalmail.it
Finalidade e base giuridica de su manìgiu: is datos personales e anagràficos (nòmene, sambenadu, logu e data de nàschida, indiriztu e-mail, etc.) regortos in s'àmbitu de custa protzedura ddos donant is candidados.

Su chi deccarat podet pedire semper a sa Provintzia de Aristanis in ue at intregadu sa dimanda, s'intrada a is datos personales e sa retifica o sa cantzelladura de cussos etotu o sa limitazione de su manìgiu cunforma a su Regulamentu UE de su 27 de aprile de su 2016, n. 679 e s.m.i, aici etotu propònnere chèscias a su Garante pro sa Protezione de is datos Personales cunforma a su matessi Regulamentu. Su refudu o s'oponimentu a su manìgiu de is datos chi sunt in s'istàntzia no at a permitere de intrare a su cursu de formatzione.

ART. 5 - PUBLICATZIONE, INFORMOS E CUNTATOS

Custu avisu est publicadu in su giassu web de sa Provintzia de Aristanis www.provincia.or.it.

Informos in prus si podent pregontare a:

Isportellu Linguisticu Ùnicu Pro Àrea

Lunis: 08:30 /13:30

Martis: 08:00 – 14:00 / 14:30 – 16:30

Mèrcuris: 08:00 – 14:00

Giòbia: 08:00 – 14:00

Mail: limbasarda@provincia.or.it

tel: 0783/793347

Orientare srl

Mail: lsoristano@gmail.com